

# Prentsa oharra

## Nota de prensa



## HILABETE ANTSO JAKITUNEKO OBRAK AMAITZEKO

Antso Jakitunaren etorbidearen berrurbanizazioak bere azken hilabeteari ekingo dio. Urtebeteko lanen ondoren, azaroaren erdialdean bakoitien espaloiak irudi berri eta erakargarria izango du.

Marisol Garmendia Hiri Proiektuen zinegotziak adierazi duenez, "Hirugarren etxe-uhartea bukatzea geratzen da, Pio XII.aren plazatik gertuen dagoena, eta lorontziak eta hiri-altzarien beste elementu batzuk jarri dira bertan. Bien bitartean, bigarren espaloian lan egiten da, erdikoan, besteak baino beranduago hasi zena, jabeetako batekin izandako desadostasunengatik ". Antso Jakitunaren obra iazko irailean hasi zen, eta 1,3 milioi euroko inbertsioa egin du Amara Berri inguruan.

Lorzaintza lanak egitea eta farola berriak jartzea falta da, datozen egunetan iritsiko baitira. Gainera, espaloia erdian dagoen erregistro-kaxa bat beste gune diskretuago batera eramango da. Erregistro honek Pio XII.aren argi-iturriaren funtzionamendua kontrolatzen du.

# Prentsa oharra

## Nota de prensa

Urbanizazio berriak 11 metroko zabalera duen oinezkoentzako pasabide bat sortu du, terrazak jartzeko eta erakusleihoak eta dendak hobeto ikusteko. Eserlekuak, lorategiak eta aparkalekuak jarri dira, eta berdegune berriak sortu dira, espaloia trafikotik urruntzen dutenak.

"Askoz ere diseinu garbiagoa da, pasealekua errazten du, egonaldirako gonbita egiten du eta hiribidearen merkataritza eta ostalaritza jarduerari bultzada ematen die", azpimarratu du zinegotzi sozialistak.

## ASTIÑENENKO ZUBIRAKO EPE BERRIA



Astiñeneko zubia egiteko lanek atzerapen handia izan dute, eta Donostiako Gobernuak egoera hori konpondu nahi du. Horretarako, obra aldaketa bat onartu du —horrek proiektuaren kostua % 10 igotzea eragingo du—, eta beste epe bat, obra datorren urteko iraila arte luzatzeko.

Egia esan, obrak hainbat arazo izan ditu 2018ko amaieran esleitu zirenetik. Gauzatzeko epea 15 hilabetekoa izan zen, eta, aurrekontua, 3.022.739 eurokoa (BEZ eta guzti). Laster hasi ziren arazoak, eta zubiko zutabeen diametroa aldatzera behartu zuten. Uraren Euskal Agentziak ordaintzen laguntzen du.

Berrito ere, obrak bukatzeko epea aldatzea onetsiko du, laster, Gobernu Batzordeak, hurrengo urteko iraila arte luzatzeko epe hori. Gainera, % 10 handitu da aurrekontua, proiektuan egindako aldaketen ondorioz esleipendunak egindako eskaerei erantzuteko.

# Prentsa oharra

## Nota de prensa



Donostian trazadura kurbatua duen lehena izango da Astiñeneko zubi berria. 74,77 metroko luzera izango du, zabalera egungoa halako bi (17,14 metrora iritsiko da) eta 3,75 metroko bi errei, bi espaloi (bat, 3,5 metrokoa; bestea, bi metrokoa) eta bi bidegorri, zubiaren alde banatan, bakoitza 1,5 metrokoa.